

藤

陰

雜

記

藤陰雜記卷三

吟梅居士

工部藤花未及吏部著名而植根亦久康熙己亥陳
文簡元龍以粵撫晉長冬官到署見花盛放賦詩云
不知移植自何年蔓曲根蟠百丈牽曾向銓曹嗟樹
老又來水部遇花緣當階吏散留佳蔭亭午風清動
紫烟莫道官寮無韻事公餘欹枕亦翛然

翁大司空

叔元

常熟諸生被黜冒籍永平在京與蘇

苞九

翔鳳

夜行執火爇兩手謂蘇曰朝廷若掛窮民

榜天下無如我二人後中丙辰探花歷官工部尚書
蘇壬戌進士終于一令

陳澤州午亭集冬官署中南亭張敦復英所葺茲予
再至承乏公後而敦復權領翰林齋居有懷詩云乾
坤蕩漾兩浮萍歲月樊籠意渺冥再到冬曹新燕壘
百年喬木舊槐庭吟成白雪人難和夢續黃梁客半
醒惆悵玉堂明月夜柯亭劉井幾回經按今工部廳
事植藤亦曰藤花廳旁有齋戒房前慎庫旁有捧曰
亭相傳爲嚴世蕃書今削其名南亭疑卽藤花廳而

人罕知故記之

裴大司空

口修

父君弼

以建德令行取入都夫人禱

于燕子磯水神生公治河敏幹位至司空歿後夢示

家人仍歸神位袁簡齋

枚

與公已未同年過而弔以

詩云燕子磯邊泊黃公壚下過江神如識我應送好

風多

都察院題名記始于陳文勤公

世信

丁巳官副憲時

記畧云少讀司馬文正諫院題名記輒慄然于報稱
之難家世總臺職一人副者三人世信以樗散復廁

其後謹以父及伯叔兄及已名別勒石子壁以誌隆
遇云

按公父說伯數永叔論兄世侄

父子御史鄞縣胡文學子德遵新安呂北琳子履恒

謙恒長興錢廷子兆沆陽城田從典子懋錢塘張湄

子霽歸安沈世槐子成熙固始吳士功子玉綸歸安

章有大子寶傳安邑葛德潤子鳴陽臨桂朱若東子

依魯桐鄉馮浩子應楸通州劉圻子錫嘏汾陽曹學

閔子錫齡綏德張燦子秉愚

兄弟御史漢陽江

世

商邱陳履

平

夏邑李敏

第

行獻縣

戈

源

大庠戴

第

元常熟張敦

均

無錫馮

培

祖孫御史南昌熊

一

瀟孫學鵬

豐

潤鄭

恂

孫

激

蒙白

尹

秦

孫壯圖

雍正乙巳先祖諱

永椿

任御史越六十

年

環

由湖廣道轉科

父子科道餘杭嚴

沆

子會

定州郝

浴

子林

虞城耿

惇

子

大烈

文水鄭

崑

子廷楫

兄弟科道太倉錢

三

錫餘姚袁懋

功

祖孫給事海寧楊

淮

孫

存

理

乾隆二年翰詹科道輪進經史十四年御史金

和

以

翰詹人多科道人少奏請分班進呈隨以無裨實政
停止近人文集中有進經史卽此

行取科道久已停止行取部曹乾隆十五年永行停
止

九卿科道驗看月官向例全集因到班寥寥壬申奉
旨特派九卿四五員御史張馨奏科道亦請

欽派部議派掌科道各四員著爲例而臺規未載

乾隆十八年定給事中正五品御史從五品俱不試
俸各省道員俱正四品刪去叅政等虛銜

諸城劉文正公乾隆六年甫任總憲卽以桐城張姚
二姓官多奏請裁抑尙書納親管理事務太多任事
多銳一時風采凜然納親果于金川債事桐城未久
去位

御史蔣元益乾隆十八年八月劾奏總河高斌顧琮

老疾奉旨嚴行申飭九月卽有漫工河庫虧空大案
蔣卽視山西學政六年

御史歐堪善陞太僕少卿視學貴州癸酉選拔因將

原卷另謄被巡撫定長叅奏降調近日貢卷多有另

詹解部者豈不知此例耶

乾隆七年因言路不得其人令內外大臣保舉如馬周陽城布衣而爲御史者共六十人擢御史者僅胡寶瓊吳龍見葛德潤章有大丁廷讓孫灝六員本係應保御史者其他外吏未仕者不用後躋高位者英廉大拜吳達善愛必達總督俱在選中若三泰滿色

所保之人平常被御史吳焯糾叅扣除于是李清芳

陳大珩有請通行考選之奏部議准行至今不廢

香山魏忠賢墳康熙中御史張騏奏請剷平王振祠

尚在智化寺乾隆七年御史沈

廷芳

奏毀之百年來

無人奏及亦不可解

乾隆十二年瀛臺侍宴某侍郎向博文忠屈膝請安

爲御史萬

年茂

糾叅并援某某爲証侍郎力辨其誣

萬卽罷歸里居四十年萬本壬子解元重赴鹿鳴年
八十五丙辰尙存不及來京與宴

明重御史巡方權傾督撫統轄文武士人釋褐卽得
人艷稱之昔有一富人二壻一爲守備一尙秀才富
翁輕生重備後備歷副將生成進士以御史巡方閱

兵副將波執郊迎報名入謁五更稟請開操生於枕
上賦一絕云黃草坡前萬甲兵碧紗帳裏一書生而
今始信文章貴卧聽元戎報五更康熙初停止雍正
初直隸三府設一巡察二年報滿臺灣巡察如之今
惟滿科道巡察東三省聞猶是巡方體制

都察院稱柏臺固無柏也傳巖溪爲許任副憲時植

柏于堂前賦五言古詩俾科道和韻今漸成蔭而未
見添種不及隔牆太常寺槐陰之茂

御史院題名碑日久漫滅黃待御玉圃叔璣刻爲一

書乾隆初王給諫應綵借許農部道基探討續增嗣

後歲有增添余輯給諫題名時隨手檢閱章奏康熙以前尚漏十餘人年分有前後倒置者悉爲更正惟望後之君子于續輯時詳加考訂而已

給事中向無題名各科惟懸近年一二區久則另換日久無徵余自甲辰轉禮科欲編輯而無從繼掌吏垣查庫見國初以來凡內陞外轉章疏詳載履歷到任年月喜極欲狂因得據以編錄題冊籍難攜每于候本齋宿之頃手不停披編成一冊幾欲與題名碑

錄館選錄御史題名文武摺紳並爲京師必有之書
繼見明人蕭彦有掖垣人鑑載至萬歷而止意欲續
編因徧尋本朝詩文集甄錄事迹未知能成書否也
欽定臺規乾隆初告竣其時未分十二道迄今五十
餘年更定典禮若干亟應續纂而未有議及者不若
六部卿寺頻見有纂修則例之舉向日御史到任京
畿道吏送臺規一冊內載儀注甚詳此歷久不廢者
近聞久不呈送并錄平而去之

余初入臺僅見陳寶所前輩

鴻寶

稱總憲副憲爲某

堂翁諸後輩爲某道長陝西道坐次自西南而東北
復折西而北不敢紊次新來偶誤者沈華坪前輩
見卽呵之

王漁洋謂諫官稱魏環極象樞楊以齋雍建御史李

琳枝森先楊魏奏疏俱見本集李巡按江左有聲再

劾馮銓頗見風力素豪于飲家有園名椒雨蓋酒之
辛者山東掖縣人前庚辰進士言事流尙陽堡赦回
今陝西道懸所書鐵面冰心額筆法道古百廿餘年
墨瀋猶新御史臺有十人到任則題名陝西道顏以

四字如肅振臺綱邦之司直之類若不能容則將前
匾棄去立碑于京畿道余庚子入臺尚見有二三匾
題字者後悉刮去以三十人并立一匾改勒石于陝
西道壁俾後至者爭識其名管松崖前輩幹貞時掌
京畿道倚史國華書而自爲之跋

考選御史與鄉會試例認同年余干己亥與選同記
名者十九人每歲春朝會于阮吾山司寇葵生瓶花

書屋時蕭玉亭際韶郎耕莘若伊已逝若馮星實應

榴

史卓峯

夢琦

陳琬同

其煥

楊培山

壽楠

秦荻江

清

王卜崖 鍾健 王瑤峯 爾烈 李曉南 昭 鄭秋浦 徽 朱篠

庭 依魯 潘容齋 會起 沈大雲 孫理 陳銖卿 蘭森 程澈

江 世溥 馮半梅 清 皆同選也恐久而遺忘故志之

吏科官戶科飯兵科紙工科炭刑科皂隸禮科看今
刑科並無動刑皂隸六科俱有官厨掌印嚴正備飯
卽佳不必戶科飯巡城口號中城珠玉錦繡東城布
帛菽粟南城禽魚花鳥西城牛羊柴炭北城衣冠盜

賊

曹秋岳 溶 自四譯館遷左納言詩入奉金輿麗環看

彩纛秋聖讒難道責獻可實懷憂砥礪資賢友明良
感昔游定知歸馬詔先下海南州

曹秋岳

涪

遷太僕卿詩曰抱無聞恐蒼蒼四十餘臺

鳥稀舊侶廐馬閱新除冷態飄霜柿閒身伴壁魚周
官嚴誓御此制近何如

太常仙蝶翅長毛茸通靈解人語呼爲老道戊申冬

德少宗伯

明

捧貯盒內進呈

御賜詩云蠕動螫之時來賓果是奇異夫羣物體觀
此一仙姿薌久太常號神超大造司欣茲百年週用

誌五言詩勒碑大堂時座師德定國宗伯總理寺務
賦七言古詩亦勒于壁先有塞爾赫詩萬里羅浮天
一涯奉常清署夢中家誰教片影隨風絮不戀濃香
宿露花栩栩居然能解語悠悠信可共餐霞冰霜尙
有寒梅約未入離騷莫怨嗟塞字曉亭宗室有詩名
官侍郎

寅清堂萬歷中董

文敏

爲寺卿所改書用李北海法

甚工見春明夢餘錄今寅清堂額係乾隆乙未重修
非香光之舊矣

高念東侍郎

珩

有太常樂詩長安百職趨路達說剛

閑人皆不宜惟有館卿云最樂官身性問私家著其

次屈指則太常碧樹清風秋滿廊數日文書一二紙

不過牲牲榛栗耳巡簷閑步據牀眠葉聲撼撼催鳴

蟬病叟荷鋤往菜圃青蟲化蝶迎風舞萬物自得怡

我情何止芳草當窻生此署終身無不可誰云曼倩

羨公卿會議會推揮汗雨寄謝諸君良勞苦

時以吏部侍郎

降

曹秋岳

溶

宿壇詩靜闕神穹紫翠遙一天星斗照虛

寒蒼松萬歲鼉鼉伏白玉千門海岳朝藻火齋宮迴
禋道鼓鐘冬祀肅重宵講求漸洽升中禮日日祠官

按鳳簫

時由太僕
遷奉常

龔介菴

佳育

起家掾吏由江南布政內擢太常卿與

趙恒夫給諫

吉士

同修賦役全書語同事云趙農部

每與予談不諱吏員二字吾甚感其重我若加意周
旋反成輕佻見寄園寄所寄太常任通承僉事竹垞
館焉原非俗吏

大祀福酒光祿寺堂官驗嘗敬貯龍瓶名曰灌酒然

後護以龍袂抬赴祭所灌後有餘許攜以歸亦受福之遺意也酒味甘色黑小戶尤宜良醞三升至今猶戀

毛西河詩話御酒坊後墻有街曰長連又一街曰短連總曰廊下家長隨荅應多住此賣酒京師稱廊下內酒家故查

嗣琛

詩長連遙接短連墻紫禁滄洲列

兩廂催取四時花釀酒七層吹過竹風香其時或尙存數竿耳光祿寺因張元易種竹署中黎惟敬題紫禁滄洲額今區去而竹亦亡

李穆堂侍郎級降光祿劄履任之日查閱冊籍復至
實錄館諸公問今日何事穆堂歷舉筵宴器物制度
無遺葢一過目輒能記至老不改

光祿寺向無題名吳白華司空爲卿時查得近年卿
員書版作記考寺爲英親王故邸規模宏敞今半空
閒余又詳考國初以來著錄惜不能全若得赴閣科
核冊則無遺漏矣

光祿四署丞八缺例用滿洲歸班舉人七八年升六
部主事或中允贊善計中舉後得官已二十餘年昔

有旗員嘲唱贊易于得官之驟有十年窻下苦不比
一聲嚶之謔蓋太常鴻臚等官由八旗生監兵丁挑
補得卽授六品頂帶且掛朝珠云

漁洋池北偶談祭酒不三年輒升丁祭無過四者高
念東侍郎爲祭酒久不遷洪文襄戲之曰高先生可
謂五丁開山矣高對曰無妨六丁六甲果三年始升
予在成均四年升少詹口占寄高云佳話曾聞役六
丁任教人笑鈍司成六丁今日還加二始信前賢畏
後生然此官清簡恬靜南史邱靈鞠有言人居官願

數遷使我終身爲祭酒不恨也近年惟陸大司馬宗楷官祭酒幾二十年未主文衡年逾七十超擢侍郎主丙戌會試戊子鄉試遂長兵部未幾休致近見法大司成所輯司成題名久任無如公者

查他山慎行于康熙甲子肄業成均至癸未釋褐年

五十四記事詩曾陪鼓篋三千士重到橋門二十年進士釋褐謁聖後卽至彙倫堂謁司成高坐受禮相傳動必有咎余于己卯肄業癸未釋褐約諸同年齊到行禮近日除鼎甲三人外到者甚少幾視具文

乾隆辛未古檜重榮癸卯肇建辟雍庚戌

御製重排石鼓文與舊存十鼓並列戟門并勒張

照

詩于石

頒賜羣臣瑤以鴻臚少卿亦得恭頌壬子

命將蔣衡所進十三經勒石彙倫堂

進士題名碑每科工部題請銀一百兩建立在戟門

外松樹間易剝蝕頰題名碑錄板在翰林院足資考

證

國子監學正向係九卿保舉因有保大臣子弟者徇

史陳

大化

奏請考試今改爲會試錄取己丑壬辰兩

科與中書進士認同年名中正榜甲辰榜下用進士
三人乙卯丙辰進士錄用更多六堂向無前後輩之
稱近亦照翰閣科道之例識拜前輩

田山薑

雯

以未入翰林爲憾弟需館選後寄以詩云

此事亦尋常于我獨無分就試中書第五入署視事
遭同年翰林某侮辱嘗嘆云北門草制始自乾符內
翰宣麻號稱供奉笑彼紛紛乳臭標勝氣于眉稜亦
且截截論言誇清班于頰舌又詩云休言京兆除書

近搖落于今已六年已未試博學宏詞時官工部郎
中首先交卷復被黜題溫飛卿詩後云一代才名乾
騷子八叉吟手亦徒然不教詞賦陪雕輦空讀南華
第二篇不十年官大鴻臚巡撫江南晉戶部侍郎需
終于翰林亦未有集

本朝名人詩無不有題禹鴻臚畫者其人唱贊序班
耳名之鼎字尚基揚州人一藝成名其信然歟今序
班耑用直隸生員他省無之

貳卿皆旁坐獨通政司六堂俱正坐相傳起于趙文

華任叅議時鴻臚正少俱正坐未知何據鴻臚記土

地襟頭蟒玉似三公服色未識何神記以俟考

京官向乘肩輿杜紫綸詔始乘驢車嗣後漸有騾車

余已卯入都見京官騾車多而驢車少然幃幔樸素

且少開旁門者今則無不旁門而布幃漸少錢籜石

少宗伯不能走旁門亦不可解阮吾山司寇官中書

坐敞車人有十景之嘲謂一騎嘶風三窻印月敞蓋

斜陽斷轅殘雪打頭秋霆拂面春風也吾山自咏云

布帷飄瞥短轆顛紫鳳天吳百結懸三面轉移迎旭

日四窻空濶見青天看山倚檻東西顧唾玉隨風左
右便伸足橫肱吟十景朝朝驅出暮驅旋

京堂詹翰兩衙門齊脫貂裘捨獬豸昨夜五更寒徹
骨舉朝誰不怨葵尊漁洋戲作時康熙乙亥任葵尊

宏嘉

奏三品以下禁服貂裘捨獬豸也一時服壓韻

之穩趙恒夫

吉士

元夕詩憶賜瓊筵分次第蠅貂炫

服敢紛綸今京堂翰詹科道仍准服貂不知何年復

舊

孫文靖士毅杭之臨平鎮人家世業賈德清蔡明經

粹容克疑在鎮授徒賞異之強其父令從受業四十中
已卯舉人庚辰下第尙未知名辛巳二甲三名不用
歸應壬午召試方擢第一授中書不十年開府滇南
補入翰林位兼將相卒年八十先以征安南封公削
去歿仍贈公孫襲伯爵浙江科目膺五等之封公一
人而已

戊戌會試于文襄王韓城總裁狀元且是師生同考

秦大成陳初哲黃軒金榜四狀元是時京師狀元無

不入場是科狀元戴衢亨卽出金房皆盛事也

吾湖明初科名不振成化時建萬魁塔于碧浪湖自是二百年無脫會榜乾隆丁未塔圯己酉脫科郡人

修復庚戌張

師誠

癸丑葉

紹樞

蔡之定

入翰林乙卯

王

以錫

會元第二王

以銜

狀元同胞元魁聯名從來

未有丙辰會元袁

樾

亦湖人

金華府順治丙戌朱

之錫

館選後一百五十年無繼

者嘉慶丙辰浦江戴

殿泗

傳臚館選蘭溪嚴

殿傳

武

殿試傳臚同科同府名俱殿字亦巧合矣

藤陰雜記卷四

吟梅居士

乾隆甲子

駕幸貢院賦詩詞臣恭和進冊獨副榜張鳳孫詩推

擅塲詩云玉堂遙接聚奎堂雉扇輕籠寶鼎香鹵簿
兩行傳警蹕韶音一片叶歸昌龍門真得風雲氣髦
士親瞻日月光千百年來成創舉右文雅化軼前王
珠聯寶額昨新頒五色雲飛畫棟間豈止文場添壯
觀欲求上理闢賢關水壺誰掌宜虛已大冷無私肯

鑄頑敬繹絲綸齊感激姓名何必列孫山清時未分
守蓬蒿貧賤心期逐歲高朋輩幾人紆紫綬風塵猶
自戀青袍兩叨乙榜壬子甲子寧論屈十踏秋闈敢憚勞
放眼天池何浩蕩投竿終擬釣連鰲席帽頻看上苑
春傭書未負不才身蓼蟲天性能茹苦藿曰生涯合
受辛自小文詞羞剿襲于今功令尙清真短檠獨對
重搔首恐負朝廷養士仁時館閣詩冊求捉刀者塞
戶終不得第効力河工歷任觀察

貢院聚奎堂有明侍郎王圖石刻詩主試多次其韻

劉文定公庚辰主試詩廿一年來才思鈍

戊午分校及今已廿

二年恐教塗抹負婆心已丑主會試詩五度當場寧見

慣要知熟處倍矜心又撒棘詩納卷連箱老屋深人
依奎井德星臨囊中璞剖矜崑園爨下桐焦惜鄧林
賤落風簾春已盡榜填月戶夜將沉籤排副墨傳梨
棗不是爭名是證心名經高座倚檐深節屆清和浴
佛臨絳蠟押書明似晝白袍催放擁如林隍中蕉覆
元非幻時封遺卷備選中書學正學錄浦裏珠遺詎久沉寄語舍人
兼博士擬分餘燄慰灰心公衡鑒公明憐才尤切已

丑壬辰得人尤盛會元徐煇孫辰東並有國士無雙

之目兩科中正榜亦號得人

壬午鄉試趙甌北編修翼分校作秋闈雜咏詩一時

傳誦錄其最警策者如宣名云觚稜淑景日初寅

御紙簽名下紫宸同輩半爲揚驥客至親翻有向隅
人一時朝服班行肅隔夜巾箱檢點頻却笑門前迴
避字上人出後貼偏新赴闈云衣冠一隊出朝來銜
尾雕輪輾轆催故友相逢休問訊諸生傍睨或低徊
登瀛數恰符仙侶觀象臺應聚斗魁太息十年辛苦

地敢期珊網入羅才封門云關鎖中分棘院森外簾
信息總沉沉官封恰似泥丸固人望居然入海深選
佛場清塵自隔聚星堂迥路難尋由來令甲嚴防禁
如水臣心久自箴佔房云紙窗隣並似僧寮三面分
排判蕪茅幽谷新鶯頻繞樹畫堂舊燕早投巢舊會
分校
者多佔正房新進不知則兩廂矣宵來說鬼常盈座曉起聞雞爲近
庖斗室敢嫌湫隘甚風簷猶憶號簾敲聘禮牌云齋
期停宴鹿鳴筵白鏹仍頒錦盒鮮鎔處金分三品貢
鑄來字異五銖錢質精應識披沙苦禮重真同納采

虔却笑儒珍常待聘今朝何以答求資供給單云食品開明二等殊仍防中飽落厨夫漫疑乞米書以帖不比充饑餅在圖日有隻雞公膳半夜無斗酒客談孤歌魚詎敢彈長鍊首荷儒餐分已逾

食單無魚酒

無厨

云不諳烹飪強司厨每一房頭撥一夫聊可羅菜當老婦偏工媚竈詔人奴

奉奴僕甚謹冀分餘瀝

饑腸定有羊蹄

踏敝袴誰憐積鼻污乞得爨餘頻護視出闈一飽共妻孥刻匠云梨棗先期妙選材風斤月斧一時來官差獨應詩文役儒術偏資刀筆才詎以刃游矜絕技

所期紙貴賣名魁關心更有同門卷預向經房訂幾
回分經云不多數子領羣流餘輩經堂各採籌多士
未遑談虎觀考官恰似劃鴻溝逢來未必專門業分
後偏防易地謀信有科場如射覆量才人亦難估闔
擬策云策題分擬戒搜羅不比賢良古制科腹笥愁
渠真太少記珠笑我亦無多略鈔兎冊留方便暗度
鴛針教揣摩莫笑巽巖編摭拾吳誰成誦口如河巖
編卽策括也刷題云剗刷纔完促刷題以泥襯板足
見文獻通考踏之使平謂
之跳錯疑響榻印層綈烟雲頓滿非濡墨刷印用文
煤汁

字何灾却污泥消息怕傳通信鳥限期頻聽報更雞

刷時關防甚嚴五

還愁漫漶文難別監刻翰番仔細

鼓卽發外簾散題

稽選韻云令甲初添試帖新主司選擇爲臚陳華嚴

字母剛奇險韶濩詩林取雅馴又手揮成知幾輩吟

罷然斷定多人最先一字休忘却官韻當頭鑿炳麟

限得某字刻

刻在笈一薦條云三寸冰銜鑿刻工卷端鈴與薦

書同品題未便無雙士遇合先成得半功佛海漸登

超渡筏神山猶怕引回風笑論此卽量才尺大抵抽

長在短中文几云東西棐几兩排連序座居然十八

仙旁列如叅尊宿座經闈剛半主司筵

主司方桌席
同考半桌

間地豈睽函丈

每桌皆接
連不隔

案上文常擁累千詞館向

論先後輩如何位次按經編卷箱云曹倉鄴架漫相
同無限精靈閱此中敗卷堆成團扇篋佳文貯卽碧
紗籠封鈴怕有窺啼鬼扇鏹如防氣吐虹在笥衣裳
誰佔取却須破壁去飛空紅燭云五色迷離晚退堂
例燃紅蠟照昏黃文星已炳增熒爚官體聊存取吉
祥恰映朱衣人現影不容硃卷字分光

榜說不
別憐

矮屋蠅頭字剔盡寒花夜未央藍筆云中書不判五

花工凝碧池頭染翠融欣賞情同青眼客別裁權亞
黑頭公淡痕豈向眉添黛濃抹何須帛勒紅却笑出
藍凡幾輩異時若個最葱葱落卷云幾陣雲烟過眼
輕案頭堆疊太縱橫落花退筆全無豔食葉春蠶尙
有聲續命縷殘誰起死返魂香到或更生關投未必
皆珠顆無限人間嘆不平副卷云去取真看雞肋如
棄之可惜味無餘戰場旗色標偏將馳道樵聲中副
車文采原輸全豹變姓名休笑續貂書側生荔子香
雖減猶勝西風落葉疎撥房云中額難均數迴懸按

房裒益主司權未妨螺贏艱生子笑比琵琶別過船

紅藥贈行應割愛錦窠托宿亦成緣莫慙掠美如醯

乞磨勘嚴條藉獨肩

既撥房後如磨勘千吏議則勘所撥之房任之原薦者不與勘

卷云校勘深防吏議持闈中先自細求疵世情肯爲

微瑕掩宦况愁停薄俸支入穀仍憐危絙落千霄或

厄閏年遲

頭場已中後場有疵者停科

始知完璧真難得看取縱

橫抹筆垂闈墨云十八經房各數篇篇端未有姓名

鐫人間可許千秋鏡此地居然萬選錢紙價明朝增

幾倍魁星一輩又諸天却愁衆口吹求甚斤削先加

鐫刻前草榜云編排紅號據文評一榜翻疑以字行
恰似風簷纔起草尙遲澹墨爲書名異時雁塔依先
後明日龍頭可老成

填榜前一日

穎脫諸生應得兆家家

乾鵲樹頭鳴諭帖云匝月嚴扃絕寸箋忽揮僮約出

闈傳定知書到堪金抵却命車來以賄遷

供給所餘皆載以歸

露簡不封書半草冰銜自寫筆如椽還同路引經關

隘點驗層層始放前填名云堂吏聲高唱折封關防

加密鎖闈重掀髯劇喜名流出防口深愁熟客逢星

斗光連平炬火魚龍氣動五更鐘榮觀最是填魁候

六幕文昌景倍濃拜榜云淋漓墨審遍填名肅穆朝
衫告禮成所願人皆爲國士豈嫌師轉拜門生滿堂
燈火柴光照一路笙簫雅樂迎却願東方已辨色卿
雲糾縵日晶明謝恩云朝房冠佩雁行排放榜明朝
詣闕皆報國文章聊可藉儒官職役此爲佳求師已
有襴衫客逢友多稱玉筍儕稍遜皇華人復命親承
天語叩瑤堦赴宴云退朝車騎又喧闐京兆堂高綵
繡懸噉鳳盡來新貢士餼羊猶見古興賢堂餐味出
官厨饌廳壁圖開禮宴筵

主司及執事官皆
與宴堂上懸宴圖此地恩

榮慚最荷去年騶從滿庭前門包云紅瓊名帖認師
生執贄儀文草草成修脯自行原有例錙銖必較太
無情士如畫餅寧供啖我亦荒莊敢取盈莫以粃粃
薄羔雁窮經人本少金籬房卷云校官各自有房元
試牘從排似弟昆十數各分新雁塔一家人集小龍
門合編恰比聯珠宿溯緒原非異繭盆師說誰堪傳
枕膝十年詩法要相論時蔣苕生士銓亦與分校賦
滿江紅詞藍筆云毛穎先生新際授蔣藍天使青眼
內生平不識楊朱墨氏翠壁間題應滅迹綠天徧寫

難尋字草新詩待借碧紗籠添螺子黛眉恨何關
爾青衫淚多由此判升沉一旬辛苦三年悲喜疎密
圈來方入彀縱橫抹去非知己比盧公老臉坐中書
操生死薦條云判姓分銜縱五寸六分寬窄雕鏤出
一行細字堪陪玉尺左右分陳監試案收藏不到司
衡席認經房卷面印分明存稽覈天人界鴻溝畫
雲霄路函關隔發軍符好風吹送幾行飛翮半喜猶
爭文字命終身已注師生籍抱遺珠借慰老儒心嗟
何益落卷云經笥便便知不等巾箱儲蘊歎燕石豐

年難售園中重韞趙括殘兵同一泣田橫義士都相
殉待求他藥籠貯黃楊偏逢閏冬烘冊陳年券魚
豕字尖又韻向此中沉淪苦海地天俱悶躍冷豈無
干莫寶藏鋒偶作鉛刀鈍祝他年拔宅共飛昇休長
困

汪厚石有考具十詠五律題目甚新如錫水壺云有

底復有蓋反蓋卽承盤

以其蓋卽插燭

一器材兼擅多勞質

故安水疑清淚滴蠟易短檠殘妙製惟鎔錫壺天幾

許寬餘僅切題

蔣苕生與紀宗伯

明

葉少詹

觀國

汪給諫

存寬

張給

諫

齋

及余師秦西巖先生壬午分校皆丁卯同年初

八夜賦詩末句云十六年前今夜漏六人五處卧風

檐

紀汪同順天榜

觀象臺在城東南隅癸卯監試外場于重九前偕琳侍御寧登高通州市可接之眉睫間薄暮歸寓因次日放榜未得成詠侍御今盛京將軍

泡子河呂仙祠祈夢頗靈姜西溟鄉會試寓祠及第後詩云烟埋塵鎖呂公堂丹竈長封棘院旁九轉大

還唐進士六旬重上漢賢良如今已悟榮名幻到老
空拋歲月忙飄笠願尋五岳者不知何處遇雲房

西城帥府泯泯爲西林鄂文端公第海內名士多出
其門尤賞吾鄉姚貞菴

汝金

保舉鴻博未遇薦修三

禮書成將特薦館職而公遽卒姚僅敘縣丞感賦云
雕刻干言雙鬢苦挽回一命萬牛難又云折柳消魂

燕市酒闌箱淚墮晉公縑後借公子

馮

撫晉獲買山

資歸老于燕其中州記畧及詩文殘稿西林後人尙
寶藏之稱念慈先生云

西華門內雪池康熙中

賜蔡升元飭內府司員水雪施工尅期告竣令同直

陳廣陵

元龍

送歸新第見蔡紀恩詩榮遇無與倫比

蔣文肅公第在李廣橋枕淨業湖

御賜秀寫蓬壺額鮑西岡

鈔

淨業湖詩李廣橋頭望

春水已溟然人家依岸曲樹色引河沿勃起臨淵興
忻逢霽雪天曾爲五湖長憑軾亦延緣湖中荷花頗
盛消夏尤宜

護國寺西先爲張文和公

延玉

第後改西華門內

賜史文靖公余癸未出錢塘王文莊公門下曾于此第謁見有江山勝地皆行部臺閣崇班半屬僚之聯後文靖薨卽

賜文莊師生接住亦是佳話文莊內直二十四年以除夕所

賜福字二十四懸掛曰二十四福堂外無餘地公子請曰此後拜

賜何以置之公曰別置一軒名曰餘福而猝于丙申捐館語竟不遂雖飾終典禮與文靖同而文靖年八

十二公年僅六十壬子公子

朝梧

招余飲堂前鸞枝

花下有感乙未讌集賦詩云鸞枝纔放裊晴空竹石
參差剩幾叢絳萼依然開爛熳紅牙猶憶唱玲瓏西
州感逝懷喬木東閣承家紹素風不盡銜杯增繾綣
柏臺行見騁花驄公子記名御史旋守河間

平則門二條衢衢爲武進劉文定公第公四十以侍
郎直軍機四十九晉總憲太夫人八十

賜延暉承慶額公主鄉會試俱號得人璐庚辰出公
門下時往展謁公以總憲久直樞庭門闕蕭然司闈

不阻見公與人對奕裕衣蕉扇談論詩文忘倦大拜
後園居于文襄同院喧寂懸殊客至恒手自掃塵拱
客立待取褥清望一時莫及

汪文端公第在東城十三條衛衛

今名有黼黻宣勤

六典持衡

賜額已已參知政事旋降侍郎復入樞庭官躋家宰
嘗于麗景軒中以首夏猶清和分韻宴集戊寅卒于
位

御駕臨喪飾終優渥極人臣之榮遇

英文肅公

廉

雍正壬子舉人南河効力日與名士倡

和有淮南遊草同京改任北河永定道因決口遂革
職復起戶部司員久任郎中晉尙書大拜掌翰林院
嘗于竹井書屋迂竹軒延翰林有詩名者倡和成帙
又有獨往園九日集吳白華諸翰林登高餞查太守
禮見白華集

介少宗伯師第在燈市口有野園汪文端題野園詩
數竿修竹靜生香猶記開軒六月涼多少樓臺圖畫
裏吟情不較野園長庚辰晉謁尙見池亭佳勝師于

王午捐館遂不復至

德定圃師第在史家衢
衡公自東粵還京歲集諸門
生宴集樂賢堂內藏書萬卷
蒔花種竹啜茗吟詩編
樂賢堂詩卒年七十一公子

英和

壬子癸丑聯捷入

翰林惜公未見

尹文端公第有絢春園又名晚香韋約軒

謙恒

沈雲

椒

初

俱用少陵遊何將軍山林詩韻賦詩十首

瓊華島遼后洗粧樓相傳爲金章宗李宸妃非還后
然詞人歌詠名作如林錄其尤者如陳迦陵

維秘

瀚

庭芳詞云細馬輕衫西風南苑偶然人過金溝道旁
指點還后舊粧樓想像迴心宮院鈿箏歇含淚梳頭
青史上武靈皇后一樣擅風流 堪愁成往蹟繚垣
敗甃滿目殘秋便脂田粉磴零落誰收莫問完顏耶
律興亡恨總是荒邱紅墻外誰拋金彈年小富平侯
又齊天樂云洗粧樓下傷情路西風又吹人到一綰
山鬢半梳苔髮想像新興開掃塔鈴聲悄說不盡富
年花明月曉人在天邊軸簾遙閃茜釵小 如今頓
成往事回心深院裡也長秋草上苑雲房官家水殿

憤是蕭娘易老紅顏懊惱與建業蕭家一般殘照惹
甚閒愁且歸斟翠醪島中有白塔鮑西岡詩云太液
冰融春氣和瀛臺一派水風多披雲近歷瓊華島禮
佛遙瞻翠堵坡小李將軍徒見畫大都仕女競相過
觚稜金雀紛難識禁扁流傳恐亦訛

廟市惟東城隆福西城護國二寺百貨具陳日迷五
色王公亦復步行評玩鮑西岡有句云三市金銀氣
五侯車馬塵足括廟市之勝

西河詩話安定門西有祝家園關左祝御史別業也

春未京朝官多休沐其地梁蕉林桂枝香詞首句云
賞心樂事祝家園裏曼殊亦爲詩云塔草銜虛檻亭
榴接斷垣酒闌携錦瑟請唱祝家園今不知歸誰氏
記以俟考

興化寺街于文襄第兩梧書屋後賃蔡小霞

廷衡

韋

約軒重過見藤花有感詩東閣當年未敢窺年來頻
見紫雲垂不知醉流車茵者誰向花前酌一卮又飲
藤花下詩紫瓊壓架覆蒼苔東閣潭潭傍日開爲問
年時頻爛熳幾人能到後堂來

柴市爲文信國授命處建文山祠唐東江

孫華

詩云

衣冠仍宋代忠義照人寰身柱天綱絕心扶帝室孱
人居永叔上祀在武侯間憶昔時標季逢危歷險艱
掄魁光制策正議觸權奸朝右多狐域中原盛佛猷
玄誰揮日指弓競射天彎犀甲逃荒谷龍輿落海灣
有心奔商氏無計服戎蠻金雁離陵墓銅駝泣草菅
但存一旅在猶望九旂還戰苦身攢缺途窮血裏斑
六歌聲慷慨百死走間關虎口危頻搯龍鬚痛莫攀
海鱗猶舊卒玉馬坐新班流涕訶宏範從容詆伯顏

死悲非宋土殉恨不厓山身幸空庑脫朱仍柴市殷
忠驅十宋義節並兩周頑臯羽西臺淚千秋尚一潛
吳超亭興宗詩四海憑依祇一舟期年芟繫抵千秋
戎衣進講存家學劍佩持危殉國讐後代方黃如繼
體前生瑕呂是同儔宋儒報禮逾巴蜀豈獨將軍號

斷頭

宋牧仲過銀錠橋舊居詩鼓樓西接後湖灣銀錠橋
橫夕照間不盡滄波連太液依然晴翠送遙山舊時
院落松槐在仙境笙簧歲月間白首鍊師茶話久春

風料峭暮鴉還橋亘積水潭畔是詩能狀其勝

積水潭荷花極盛法梧門司成壬子夏招客賦詩丁巳閏夏復集余亦偕往分韻賦詩繪圖記事余詩有此地昔平泉喬木猶葱蒨西涯跡已陳西厓詩最美句梧門因作西涯考賦詩三首考云納蘭容若淶水亭雜識稱李長沙錫第在西長安門西俗呼李閣老衲衲其別業在北安門北湯西厓集題李文正慈恩寺詩序云喬莊簡跋文衡山西涯圖云寺之後曰西涯考公懷麓堂集有西涯十二首第四卽慈恩寺他

如楊柳灣鐘鼓樓四詩中亦互見則慈恩寺在西涯東因以自號今不能識其處公不但無別業並生時故居久廢公罷相後客至不能具魚菜風操如此豈能更爲平泉木石計集所云督復舊業者始終未之復也燕都游覽志云積水潭在都城西北隅東北亘二里餘南北半之俗呼海子套又云海子南岸舊有海子橋亦名月橋俗呼三座橋又云銀錠橋在海子三座橋之北此城中水際看西山第一勝處不似淨業湖之逼且障也又云德勝橋西有積水潭轉而南

得藜光橋又云三聖菴在德勝街左巷後築觀稻亭
夏日枯禪聲不滅江南明一統志云大慈恩寺在府
西海子上舊名海印寺長安客話云海子橋北舊有
海印寺宣德間重建改名慈恩今廢爲廠何大復慈
恩寺詩海子橋西寺高樓御苑花朱國祚介石齋集
宿淨業寺詩云僧樓佛火漾空潭李廣橋低積水含
近人吳長元宸垣識畧云海潮觀音寺在銀錠橋南
灣又云明嘉靖碑海印寺東爲廣福觀西爲海潮寺
又云西涯爲李文正故居其誥命碑陰記云吾祖始

居白石橋之旁後移慈恩寺之東海子之北余綜諸

說與地址印證蓋廣福觀

在今鼓樓斜街

之南響開

今之萬寧橋澄

清關之西月橋

今之三座橋

之北海潮寺之東地名煤廠文

正故第當在是廠西則爲李廣橋宏治時太監李廣以符籙獲寵文正疏引唐柳泌宋郭京爲鑒有爲乞祠額者公執不可橋或廣所造奸璫遺穢橋亦蒙羞後人易名藜光又嫌文飾不如直名李公橋蓋橋實近在煤廠爲文正誕生之地貴後賜第今按院衚衕至李閣老衚衕者爲李賢第淶水亭雜識殊不足據

至西涯則今之積水潭無疑潭卽水關在諸河極西
林木叢鬱水石清幽其先爲法華菴今

勅建滙通祠桔槔亭稻田楊柳灣皆可指識其地淨
業湖十刹海分流滙注歸宿于澄清間余居距李公
橋不數武門外卽楊柳灣西涯則屢至其地未考始
末偶過蘇齋見西涯圖展玩因詳辨之併補圖招諸
君子賦詩焉

東城智化寺爲王振建梵宇巍我振留土偶乾隆初

沈侍御

廷芳

奏毀寺近舉場章湖莊太守銓寓此賦

詩淋漓感慨可作一則史論詩云寥落緇流在低徊
舊道場寺從天順建勅賜佛經藏忠蓋遭闕寺摧殘
甚漢唐鉄牌誰滅跡成祖首遺殃正統初嗣立刑餘
未煽張中宮崩太后內閣失三楊持柄惟王振膺城
火李綱乘輿淪土木烽火入邊牆幸是天人佑全無
矢石傷童謠符雨帝社稷賴廊王少保勲勞懋元戎
戰蹟彰奪門忘手足復辟念貂璫忽謂忠誠著宜令
廟貌莊毘尼侈像設金碧極輝煌殄瘁端因此貽謀
遂不滅南牙成水火北寺總朝堂禍至上公魏凶踰

西廠汪錦衣蔭弟姪緹騎徧蘇杭更嘆生祠建先於
聖廟旁初時聞近輔延葛及遐方要典春秋比聞人
左魏當門懸宸賜額爐燼尙方香開府乾兒輩中涓
義父行應山先斃獄廷弼續追賊赫矣思宗立於焉
逆案詳縱加奸黨戮無補國家亡女謁須嚴絕闈人
必慎防如何令宦侍甘使蔑王章此寺人憑弔前朝
事渺茫兩碑俱沒字萬佛自迴廊遺像今消歇層樓
漸廢荒子孫忘法守先見服高皇

藤陰雜記卷五

吟梅居士

中城 南城

楊梅竹斜街梁文莊公第清勤堂前藤花汪文端公

有詩萬柘坡

光泰

館此修三通嚴海珊刺史

遂城

貽

詩云滿架藤陰史局中讓君一手定三通又青乳軒

以寓王中書穀原

又會

文莊告養歸里

又會

送詩藤

陰假館年華晚潞水抽帆別思頻文莊終養來京于此宣麻旋卒于位今久改旅店藤花尙茂車過時猶

及見之

文莊立朝謹密允稱完人乃掌銓數月卽被御史歐堪善

劾其將房師高山矇混請復保薦監生戶部員

外金烈掌選掌院則將輪班編檢抽換不公三事雖未必一人作主究爲言官所指于此見無過之難

高安朱文端公第在梅市街今爲旅店安溪李文貞公第在西朱市口有夾輔高風

賜額賃宅尙是後人

綠雨樓陸文裕

深

舊卽在正陽宣武二門之間東曰

素軒北曰澹室中爲書窟今失其處見改藝齋雜疏

公裔孫耳山

錫熊

藏有嘉靖中經筵所賜宮扇邀程

魚門

晉芳

汪厚石

孟銅

趙損之

文哲

阮吾山

葵生

曹

習菴

仁虎

吳白華

省欽

聯句有樓添槐雨涼屏引梧

颺颺綠雨槐雨未知孰是姚礪圖賦長歌

康熙七年京師正陽門挑濬御河得玉印如升篆文

人不能識少宰孫北海

承澤

家居聞之曰此元順帝

祈雨時所刻龍神印也各門俱有之蓋雨後卽埋地

下耳

見筠廊
偶筆

王漁洋司寇前門道院鶴詩憐爾冲霄翮胡爲近市
喧依然能警露寧復慕乘軒月出孤松頂泉流白石
根故山如在眼早晚謝籠樊今香火煩盛院宇不寬
久無鳴臯栖止矣

天啟時宮中塑關聖像二尊一大一小有日者推算
福壽綿長香火百倍大者不及熹宗遂以小者棄置
正陽門右側小廟而供大像于後宮增其祭品以窮
日者之言未幾闖賊入宮燬像而前門香火極盛
漁洋年譜云正陽門關廟祈籤靈驗余戊戌榜後祈

得君今庚甲未亨通且向江頭作釣翁玉兔重生應
發迹萬人頭上逞英雄未喻其旨後庚子司李揚州
甲辰升去江頭蓋指揚州繼由戶郎改侍讀乙卯升
祭酒是年閏八月余生閏八月玉兔重生又驗萬人
頭上或官至一品之兆

秦澗泉修撰

大士

甲戌散館求得籤句云靜來好把

此心捫不解何謂試題松柏有心賦忘押心字列之
高等

上看出曰狀元有無心之過試官無有眼之人隨園

詩話云然

壬申鄉試有人求籤問題得陰裏相看怪爾曹舟中
敵國笑中刀藩籬剖破渾無事一種天生惜羽毛茫
然未喻八闈首題乃夫子莞爾而笑二句次題故天
之生物二句三題交聞文王十只三句方驗

同年湯

蕙棠

將選知府求籤得君是山中萬戶侯那

知騎馬勝騎牛今朝馬上看山色爭似騎牛得自由
及選得南安同年飲餞首演杜寶勸農正吟此絕杜
乃南安太守也湯後終南昌守

南海程周量

可則

喜吃檳榔官兵部時王漁洋戲贈

云趁朝夜永未渠央聽鼓應官有底忙行到前門門未啟轎中端坐吃檳榔昔正陽門專許輿入車不准行時京官無一乘車云

陳澤州初寓巨武門東街與李湘北少宰比隣乙丑除夕移青藤館新居詩五春三度移居日桃榭椒花總閉關新齋詩莫道幽居小樓頭十萬家又有六友齋玩月詩又青藤館晝睡詩汗簡紛難就青藤蔓許長又簡西隣給孤寺主詩則定在珠市口西今莫考

其舊第

澤州甲戌服滿入都戊戌同年會于邸第僅得七人
有見潘岸谷比部訊屠芝岩給諫詩細柳新蒲綠映
空曲江花有幾枝紅天家一榜四百士白首相知六
七公海上故人如夢裏薊門落月滿樓中逢君舊憶
銅龍事左掖清陰入院桐時距戊戌三十七年耳零
落至此芝岩名

粹忠

後官兵部尙書鄞人

二忠祠在鮮魚口吉水人祀文信國李忠肅

邦華

忠

肅甲申殉節于吉安會館卽此舊聞考稱在城內文

信國祠未確柴市一祠未聞作吉安會館此祠又名
懷忠會館丞相祠堂邊華泉聯句花外子規燕市月
柳邊精衛浙江潮趙甌北翼謁祠四首詩注亦云李
公殉節公祠下詩如半生聲伎勤王散一代科名死
事尊血碧肯汙新贈謚汗青終照舊題詩末首弔忠
肅云就謚神前手掩關又傳文水繼文山故知曠世
心相感恰好同鄉跡再攀地本表忠真死所志同殉
節肯生還傳芭曲裏神絃緊廟祀應增配食班昔同
年歐陽晴岩新謁選寓祠頻經瞻拜今兩遭回祿未

克修復門榜徒存廬陵節義之鄉無人倡議重修能
無慨歎

天壇道院昔爲讌集之地胡南荅

會恩

有道院看牡

丹詩青陽好序頓過三選勝如遊百頃潭碧落清虛
人罕到香林詰屈馬偏諳玉壺酒貯芳春思石鼎詩
聯永夜談共說元都添絕艷不須崇敬訪名藍又道
院祈雨詩蕭蕭古院薜蘿青鐘鼓頻催午夢醒安得
此間長避世卧看羽客誦黃庭又齋宿卽事瑤壇清
絕地借榻卧閒房壓檻秋花細鳴簷夕雨涼新泉烹

日鑿古鼎蒸都梁入夜聞天籟塵心一切忘

道院卽神樂觀今改神樂署馮大木

廷魁

有神樂觀

送同年之官詩云尺五天邊春晝晴同遊南陌麴塵
生客來彌勒龕中坐詩向桃花潭上成乾隆七年滿
御史某携伶看花因遊人雜沓遂奏禁栽花拆毀酒
肆至今不植花卉惟古松尙存樛枝黛色夏可納涼
鮑西岡坐樹下詩不識南郊路况從物外遊神霄宮
宇麓森木繚垣幽壇草萋以茁時花春復秋風蟬吟
不盡返影下林邱

查他山

慎行

鳳城新年詞纔了歌場便買燈三條五

剝一層層東華舊市名空在靈佑宮前另結棚陳其

年

維崧

有同人集靈佑宮會飲詩今宮前並無燈市

陳澤州

廷敬

有至日陪祀同王阮亭靈佑宮早起詩

今天橋宮觀悉爲諸王齋宿之所

吳梅村祭酒金魚池詩金魚池上定新巢楊柳青青

已放梢幾度平津高閣上泰壇春望記南郊注謂天

慶寺高閣今圯胡南荅詩菰黍萑華滿帝畿散朝仙

侶叩岩扉齊迴玉勒連錢騎並試香羅疊雪衣日射

采魚吹浪泳花隨
綵燕撲簾飛
當筵水調歌聲緩
身似遊雲忘夕歸
曹秋岳侍郎

洛

詩旁城微雨踏花過

五色文魚戲綠波
不爲水亭堪繫馬
香車珠箔動人多
王漁洋冬日過金魚池詩記來劇飲暮春天
絡馬青絲白玉鞭
却倚迴廊望珠箔
吳歌趙舞爲君妍
王橫雲

鴻緒

上巳詩花底張雲幔
風光滿碧汀
一杯同

洛禊曲水卽蘭亭
繁艷可想今
蕭瑟已久
僅有金魚鮑西岡詩地是金源
舊人還白恰來茶牌銷
瓦礫柱礎搯蒿菜則雍正初年荒涼已甚

金魚池北金臺書院蓋仿首善遺意董于京兆尹昔

陳勾山京兆兆崙延顧虞東鎮姚彌圃汝金掌教得

人最盛姚赴晉陽時勾山贈詩云廿載金臺懶赴官

客中爲客感無端東門帶草重重在待繫先生去轍

難謂門下士有涕泣送行者湯緯堂大奎有過金臺

書院觀金魚池得魚字五十韻詩後半云憶昔瑤池

蹙俄驚屋社墟年深埋瓦礫灰劫剝沮如載咏施愚

王漁句長懷韋杜居風流猶昨耳吟賞復誰歟花鳥

餘文藻菰蘆愧櫟樗陳詩聊紀興清露滴蟾蜍

朱竹垞檢討

葵尊

康熙戊午入都舍于三里河橋之

南泉寺與李武曾

良年

同寓撰惜字林記見竹垞年

譜今寺門尚存橋側有鐵山寺亦似古刹

亞谷叢書云京師戲館惟太平園四宜園最久其次則查家樓月明樓此康熙末年酒園也查樓木榜尚存改名廣和餘皆改名大約在前門左右慶樂中和似其故址自乾隆庚子回祿後舊園重整又添茶園三處而秦腔盛行有魏長生陳漢碧之流悉載吳太初燕蘭小譜近又見瑞雲錄以續燕蘭小譜皆好事

者爲之

京腔六大班盛行已久戊戌己亥時尤興王府新班

湖北江石公讌魯侍御

贊元

在座因生脚來遲出言

不遜手批其頰不數日侍御卽以有玷官箴罷官于是搢紳相戒不用王府新班而秦腔適至六大班伶人失業爭附入秦班覓食以免凍餓而已侍御居官鯁直曾奏官兵過境擾累覆奏千言視南漕錚錚有聲歸江陵十餘年因荊州水決全家溺斃畢制府沅弔以詩云最憐豸繡烏臺客披髮何由訴大荒

如是我聞載倪少宗伯

承寬

感舊爲方俊官作詩云

落拓江湖髻欲絲紅牙按曲記當時莊生蝴蝶歸何處惆悵殘花剩一枝詩未有註俊官名蘭如吳人爲莊本淳學士所狎有狀元夫人之號已卯入都學士已歿憔悴自傷門前冷落宗伯詩語無泛設嗣後南部李桂官方至其詳見袁隨園趙甌北長歌稱史文靖于庚辰重赴瓊林宴上亦呼狀元夫人後依秦中幕府較方爲優

祝豫堂中翰

維詰

作燕臺新樂府如太平鼓兔兒爺

響盞縫窮婦之類是也蔣太史

士銓

亦有十四首如

弄盆子畫眉楊象聲兔兒爺戲園雞毛房潑水卒堆
子兵搖鈴卒唱估衣縫窮婦唱南詞其檔子尤爲悚
切足以警世詩云作使童男變童女窄袖弓腰態容
與暗迴青眼柳窺人活現紅妝花解語憨來低唱想
夫憐怨去微歌奈何許童心未解夢爲雲客恨無端
淚成雨尊前一曲一魂消目成眉語師所教燈紅酒
綠聲聲慢促柱移絃節節高富兒估客逞豪俠鑄銀
作錢金鏤屑一歌脫口一纏頭買笑買嗔爭狎夜

關卸妝收眼波明朝酒客誰金多孩提羞惡已無有
父兄貪忍終如何君不見鶯喉一變蛾眉蹙斜抱琵琶
定場屋不然去作執鞭人車前自理當年曲花檔
子散處前門左右鮮衣美食一無所能色衰音變則
爲彈手教演幼童若無貲卽執鞭趕車否則入雞毛
房矣

京師元旦賀歲奔忙可笑然禮設已久臺垣雖門貼

槩不賀節公約而不能止也阮斐園

學浩

戲作云爭

門投刺亂如烟輕轆衝風亦可憐觸眼但逢騎馬客

縱懷須待聽鶯天久知扃戶饒清福頗愛燒香作靜
緣硯席塵封爐火冷誰教疲絕短檠邊

新年例貼門神查他山唐寔君作傳誦已久近趙甌

北翼作更欲突過前人詩云劍笏森森謹護呵東西

相向儼誰何滿身錦繡形空好一紙功名價幾多辟

鬼漫同鍾進土序神還讓寇閻羅欲稽故實慚荒陋

或仿黃金四目儼執戟垂紳將相權曾傳褒鄂壯凌

烟插來花樣輝三徑報滿瓜期例一年人欲登龍先

仰望門雖羅雀肯他遷誰家健婦誇持戶勞績殊難

企及肩漫嗤兩脚踏空虛身已離塵跡自疎甘守倉
琅監鎖鑰肯隨朱履上堂除無言似厭人投刺含笑
應羞客曳裾暮夜金來君莫受防他冷眼伺門閤

金魚池西精忠廟祀岳忠武自靈佑宮燈市罷後廟
設烟火人競往觀又土塑秦檜以煤炭燔之至盡曰
燒秦檜蓋仿火判之形也火判城西有四五處秦澗
泉作賦紀心齋作詞先大夫同作四律頗爲同人所
賞詩云誰于火樹現雄豪腰腹瞞然尙沃膏脚色似
曾誇進士頭銜猶未換功曹虛中大可營三窟注欲

無煩駕六鰲一片熱腸人海坐年年燈影照霜袍茶
毘了義本三乘火裏蓮花拔宅升袍笏宰官雖說法
科名書判最難憑焦頭上客宜蒙賞燒尾豪筵獨許
登一笑當場招鮑老且來附熱看春燈裝點須眉異
埽工鼻頭出火耳生風陰陽爲炭靈其下蠟炬成灰
夜未中西岸豈愁溜水降東方兼挾泰山雄熏天炙
手須臾事薄盡心腸是老公燭龍向夜吐星芒踏遍
宣南宣北坊此老自來誇赫絕世人多不愛清涼赤
燠暫借三更勢焦土回看一炬荒贖與帝京添景物

軟紅明日又飛揚